

4671



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիդյան

« 07 » 05 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 106 - 25

Նախաձեռնողը՝

«Ռուբեն և Էդվինա» ՍՊԸ

Լոռու մարզ, Սպիտակ ք. Քրքորյանի փ. 194 փուն

Գործունեությունը՝

Ղուրսալի Խաչակապի ավազակոպճային խառնուրդի
հանքավայրի Ղուրսալի 3-րդ տեղամասի
փակման աշխատանքներ

Լոռու մարզ

Առդիր՝ 4 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 106 - 25

« 07 » Մայիսի 2025 թ.

**Լոռու մարզի Ղուրսալի Խաչակապի ավազակոպճային խառնուրդի
հանքավայրի Ղուրսալի 3-րդ տեղամասի փակման աշխատանքների շրջակա
միջավայրի վրա ազդեցության գնահատման հաշվետվություն**

Նախաձեռնող՝
Փաստաթղթի տեսակը՝

Գործունեության տեսակը՝
Գտնվելու վայր՝

«Ռուբեն և Էդվինա» ՍՊԸ
Շրջակա միջավայրի վրա ազդեցության
գնահատման հաշվետվություն
«Ա» կատեգորիա
Լոռու մարզ, Սպիտակ համայնք,
Արջահովիտ բնակավայր

Ներածական մաս. Շրջակա միջավայրի վրա ազդեցության գնահատման հաշվետվության (այսուհետ՝ ՇՄԱԳ) համաձայն՝ «Ռուբեն և Էդվինա» ՍՊԸ-ն (այսուհետ՝ Ընկերություն) նախատեսում է իրականացնել Ղուրսալի Խաչակապի ավազակոպճային խառնուրդի հանքավայրի Ղուրսալի 3-րդ տեղամասի փակման աշխատանքներ:

Աշխատանքների իրականացման համար հիմք է հանդիսացել ՀՀ «Ընդերքի մասին» օրենսգրքի 49-րդ հոդվածի 2-րդ մասի 6) կետի «ե» ենթակետով սահմանված՝ հանքավայրի շահագործման աշխատանքների ավարտից 2 տարի առաջ հանքի փակման վերջնական ծրագրի կազմման հաստատումը:

«Շրջակա միջավայրի վրա ազդեցության գնահատման և փորձաքննության մասին» ՀՕ 110-Ն օրենքի 14-րդ հոդվածի 4-րդ մասի 1) կետի «թ» ենթակետի համաձայն՝ նախատեսվող գործունեությունը հանդիսանում է «Ա» կատեգորիայի գործունեության տեսակ:

Նկարագրական մաս. Ղուրսալի Խաչակապի ավազակոպճային խառնուրդի (այսուհետ՝ ԱԿԽ) հանքավայրի 3-րդ տեղամասը գտնվում է Սպիտակ համայնքի Արջհովիտ բնակավայրի վարչական տարածքում, բնակելի տարածքից 0.8 կմ հեռավորության վրա: Տարածքին բնորոշ է տիպիկ լեռնային, խիստ կտրատված ռելիեֆը, ռելիեֆի բացարձակ բարձրությունը տատանվում է 1455-1461 մմ սահմաններում: Ղուրսալի 3-րդ տեղամասն ամբողջությամբ զուրկ է բուսական ծածկույթից, հողի բերրի շերտը բացակայում է, ՀՀ Կարմիր գրքերում գրանցված պահպանության ենթակա բուսատեսակներ և կենդանատեսակներ, բնության հատուկ պահպանվող տարածքներ, պատմամշակութային հուշարժաններ չկան: Ստորգետնյա ջրերի մակարդակը գտնվում է բավականին խորության վրա, ստորգետնյա ջրերից աղբյուրները բացակայում են:



Հանքավայրի ԱԿԽ պաշարները հաստատվել են 2003 թվականի դեկտեմբերի 22-ի թիվ 25 արձանագրությամբ՝ B+C₁ կարգով 217.3 հազ.մ³ ծավալով, այդ թվում B - 47,3 հազ.մ³, C - 170 հազ.մ³ ստատիկ պաշարներ: ՇԱԹ-29/563 թույլտվությունը արդյունահանման ժամկետը 18 տարի է :

Ղուրսալի Խաչակապի հանքավայրի ընդհանուր մակերեսը կազմում է 9985 մ², որից 3-րդ տեղամասը՝ 3573 մ², որտեղ պաշարներն ամբողջովին մարված են, 2-րդ տեղամասի մակերեսը կազմում է 1841 մ², 1-ին տեղամասի մակերեսը կազմում է 4571 մ²: 1-ին տեղամասում արդյունահանման աշխատանքներ չեն իրականացվել, 2-րդ տեղամասում պաշարները մարված են մասնակի, ռեկուլտիվացիա չի իրականացվելու: Համաձայն ՇՄԱԳ հաշվետվության՝ 2025թ հունվարի 1-ի դրությամբ մնացորդային պաշարները կազմում են 73,77 հազ. մ³:

Ղուրսալի 3-րդ տեղամասում արդյունահանման աշխատանքները իրականացվել են բաց եղանակով՝ ընդերկայնական, խորացվող մշակման համակարգով, լցակույտ առաջացրած ապարները, որոնք ներկայացված են մալաբացման ապարներով և տիղմային նյութով՝ կուտակվել են բացահանքի արևելյան մասում, ժամանակավոր արտաքին լցակույտում, որի առավելագույն բարձրությունը կազմում է 5 մ: Շահագործման 7-րդ տարվանից սկսած իրականացվել է ներքին լցակույտաառաջացում և բացահանքի հատակի հարթեցում:

Համաձայն ՇՄԱԳ հաշվետվության նախատեսվում է ռեկուլտիվացնել 3573 մ² ամբողջությամբ մարված պաշարների հատվածը: Ղուրսալի 3-րդ տեղամասի փակման աշխատանքներից հետո Ընկերությունը կդադարեցնի հանքավայրի արդյունահանման աշխատանքները և կդիմի տարածքային կառավարման ենթակառուցվածքների նախարարություն՝ ընդերքօգտագործման թույլտվությունից հրաժարման նպատակով:

Տեղամասի փակման նպատակով նախատեսվում է իրականացնել ստորև թվարկված միջոցառումները.

- ենթակառուցվածքների, մեքենաների, սարքավորումների և շինությունների ապամոնտաժում,
- ժամանակավոր կառույցների ապամոնտաժում, շինարարական աղբի և չօգտագործված նյութերի դուրս բերում,
- օգտակար հանածոյի արդյունահանման հետևանքով խախտված հողատարածքների ռեկուլտիվացում,
- աշխատուժի սոցիալական մեղմացման ծրագիր,
- մշտադիտարկման պլանի իրագործում նախատեսված ժամանակաշրջանում:

Համաձայն Կառավարության 2017 թվականի դեկտեմբերի 14-ի N 1643-Ն որոշման պահանջների՝ որպես խախտված հողերի ռեկուլտիվացման ուղղություն ընտրվել է գյուղատնտեսական ուղղությունը՝ տեխնիկական և կենսաբանական փուլերով:

Տեխնիկական ռեկուլտիվացիայի փուլում Ընկերությունը նախատեսում է իրականացնել շահագործման հետևանքով խախտված տարածքների հարթեցում, թեքությունների ձևավորում, անհրաժեշտության դեպքում ցամաքորդային (դրենաժային) համակարգի կառուցում: Տեխնիկական ռեկուլտիվացիայի ընթացքում աշխատելու է մեկ բուլդոզեր, օգտագործվելու են միայն գոյություն ունեցող գրունտային ճանապարհները:

Կենսաբանական ռեկուլտիվացիայի նպատակով նախատեսվում է հարթեցումից հետո իրականացնել հողի պարարտացում գրանցված կենսահումուսով, համալիր օրգանահանքային պարարտանյութերով և հողի պարարտացումից հետո կատարվելու է



տարածաշրջանի լանդշաֆտներին բնորոշ բույսերի սերմերի ցանքս և սածիլների տնկում:

Ռեկուլտիվացիոն աշխատանքների նախահաշվային արժեքի հաշվարկը կատարվել է «Ռեկուլտիվացիոն աշխատանքների նախահաշվային արժեքների հաշվարկման և վերահաշվարկման կարգը սահմանելու մասին» Կառավարության 2021թ. օգոստոսի 18-ի N 1352-Ն որոշման համաձայն և 3573 մ² տարածքի ռեկուլտիվացիայի գումարը կկազմի համամասնորեն՝ 259735,81 ՀՀ դրամ:

Օգտակար հանածոների արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության ու առողջության ապահովման նպատակով նախատեսվում են իրականացնել մշտադիտարկումներ՝ համաձայն ՀՀ կառավարության 2013 թվականի հունվարի 10-ի N 22-Ն որոշման պահանջների:

Մշտադիտարկումների իրականացման դիտակետերը նախատեսվում է տեղադրել՝

➤ Օգտակար հանածոյի արդյունահանված տարածքում՝ հայդվող տարածքի կողերի դեֆորմացիաները (սողանքներ, փլուզումներ), ռեկուլտիվացիոն աշխատանքների արդյունքը գնահատելու նպատակով:

➤ Մշտադիտարկումների պարբերականությունը՝ տարեկան 1 անգամ:

➤ Մշտադիտարկման ձևը՝ տեղազննություն:

Մշտադիտարկումներն իրականացվելու են 5 տարի տևողությամբ՝ մինչ երկրադինամիկ, հիդրոդինամիկ և շրջակա միջավայրի սահմանված թույլատրելի նորմերը բնութագրող ցուցանիշների կայունացումը:

Պատճառաբանական մաս. Լոռու մարզի Ղուրսալի Խաչակապի ավազակոպճային խառնուրդի հանքավայրի Ղուրսալի 3-րդ տեղամասի փակման աշխատանքների շրջակա միջավայրի վրա ազդեցության գնահատման և փորձաքննական գործընթացին ներգրավվել են շրջակա միջավայրի նախարարության ստորաբաժանումները, տարբեր գերատեչություններ, Լոռու մարզպետարանը, Սպիտակի համայնքապետարանը: Ստացված դիտողությունները և առաջարկությունները հաշվի են առնվել Հաշվետվության լրամշակումներում:

Օրենքով սահմանված կարգով ազդակիր համայնքում իրականացվել է հանրային 2-րդ լսումը, որի ընթացքում մասնակիցների կողմից նշվեց, որ «Ռուբեն և Էդվինա» ՍՊԸ-ն ակտիվ մասնակցություն է ցուցաբերել համայնքի սոցիալական ծրագրերի իրականացման գործընթացին և նախատեսվող գործունեության վերաբերյալ հնչեցին դրական կարծիքներ:

Շահագործման աշխատանքների ավարտին բոլոր աշխատակիցներին կվճարվի ՀՀ օրենսդրությամբ սահմանված դրամական փոխհատուցում, ինչն աշխատակիցներին հնարավորություն կընձեռնի անցնել մասնագիտական վերաորակավորում: Աշխատուժի սոցիալական մեղմացման նպատակով կտրամադրվի 750 000 ՀՀ դրամ 7 աշխատողի՝ վերաորակավորման և այլ ճյուղերում աշխատանքի տեղավորվելու համար: Հանքավայրի անմիջական ազդեցության գոտում գտնվող համայնքների սոցիալ-տնտեսական մեղմացման նպատակով նախատեսվում է ցուցաբերել մասնակցություն համայնքի ծրագրերին՝ տրամադրելով շուրջ 350 000 ՀՀ դրամ:

Փորձաքննական պահանջներ



- Փակման աշխատանքների իրականացման ընթացքում անհրաժեշտ է հետևել գնահատման հաշվետվությամբ ամրագրված բնապահպանական միջոցառումների կատարմանը, ժամանակացույցին, դրանց չբավարարման դեպքում նախատեսել լրացուցիչ միջոցառումներ՝ բնապահպանական նորմերի պահպանմանը նպատակով:

- Խստորեն հետևել «Մթնոլորտային օդի պահպանության մասին», «Թափոնների մասին» օրենքների պահանջները, ինչպես նաև գործունեությանն առնչվող շրջակա միջավայրի պահպանությանն ուղղված այլ նորմատիվ իրավական ակտերի պահանջներին:

- Իրականացնել տարածաշրջանի լանդշաֆտներին բնորոշ բույսերի ցանքս:

- Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության նորմերը և պահանջները:

ԵԶՐԱՓԱԿԻՉ ՄԱՍ

«Ռուբեն և Էդվինա» ՍՊԸ-ի կողմից Լոռու մարզի Ղուրսալի Խաչակապի ավազակոպճային խառնուրդի հանքավայրի Ղուրսալի 3-րդ տեղամասի փակման աշխատանքների շրջակա միջավայրի վրա ազդեցության գնահատման հաշվետվությանը տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի ժամանակավոր պարտականությունները կատարող՝

Սևակ Մարկոսյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի տեղակալ՝

Տերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝

Ռուզան Մակինյան